

SCRIPTA

Numéro Scripta : 2740

Auteur(s) : Geoffroy, Saint-Martin-du-Vieux-Bellême, Saint-Martin, dépendance Saint-Martin de Marmoutier (prieur)

Bénéficiaire(s) : Girard [particulier]

Bénéficiaire(s) : Alice, femme de Girard [particulier]

Genre d'acte : charte

Authenticité : non suspect

Datation : 1258, mai

Action juridique : autre

Langue du texte : latin

Analyse

Concession par Geoffroy prieur de Saint-Martin du Vieux-Bellême, et le couvent du lieu, à Girard, à sa femme et à ses enfants, du privilège de fraternité et de leur closerie de Vaunoise, avec distribution de provision en pain et en vin, les jours de travail dans leurs vignes et d'un morceau de viande aux fêtes annuelles, de quelque salaire en argent, de six boisseaux de blé chaque année, avec la jouissance de la majeure partie de la dîme de la chapelle de Vaunoise, en échange du don fait au prieur par les concessionnaires d'une pièce de terre et d'un pré, et à la charge par le closier en exercice d'entretenir les haies des vignes, de louer et de surveiller les ouvriers durant la vendange et d'amener le raisin au pressoir, etc.

Tableau de la tradition

Éditions principales

a. Barret Philibert (Abbé), *Cartulaire de Marmoutier pour le Perche*, Mortagne-au-Perche, Meaux (Documents sur la province du Perche ; 3e série, 2), 1894, n° 261, p. 246-248.

Dissertation critique

BARRET indique mai 1250.

Texte établi d'après a

[Universis presentes litteras inspecturis, frater Gaufridus, prior prioratus Sancti Martini de veteri Bellismo, salutem in Domino.

Noveritis] quod nos attendentes devotionem quam [habet erga nos Girardus et Aalesia ejus uxor, et eorum filii] ... [de as]sensu sociorum nostrorum dedimus et concessimus fraternitatem... clausariam nostram de Vaunosia cum tractu granchie et uno... [et habebunt] dictam clausariam successive, uno post alterum usque ad numerum... [quoadusque] vixerint quiete et pacifice possidebunt, et habitationem in domo clausure... debet habere scilicet quatuor panes panis monachorum singulis diebus quibus [operam in nostris vineis de Vaunosia operati fuerint, quat]uor denarios et obolum omnibus diebus quibus operam in nostris vineis de Vaunosia operati fuerint, unum galonem vini conventus ad quodlibet festum annale, et unum frustrum carnis ad Nativitatem Domini et ad Carniperum et ad Pascha, et singulis annis, in grangia nostra de Vaunosia sex sextaria bladi, videlicet unum sextarium frumenti, et unum avene et quatuor annone, et decimam capelle de Vaunosia, porcellorum, pissorum et agnorum, exceptis prolibus, et decimam canabi, pro qua viginti quinque alnas tele et viginti solidos turonenses

redditus, pro dicto blado et rebus aliis predictis, nobis annuatim quisque predictorum clausarius erit reddere tenebitur. Pro quibus predictis omnibus, de sua benivolentia dictus Girardus, frater et donatus noster, de voluntate et assensu Aalesie ejus uxoris, sororis et donate nostre, et heredes eorum nobis et domui nostre Sancti Martini de Veteri Bellismo dedit et concessit quamdam petiam terre et quoddam pratium, in feodo nostro, juxta stagnum nostrum dictum Blondel sita, valentia viginti quinque solidos turonenses annui redditus et amplius, in puram et perpetuam elemosinam, quiete et pacifice possidenda. Adjectum et fuit quod quique predictorum dictam clausariam tenebit, rata pars illius suorum acquisitionum omnium tempore fraternitatis et clausarie factorum, integre ad nos et dictam domum nostram Sancti Martini, et similiter rata pars omnium mobiliorum suorum, ita tamen quod in obitu suo quilibet predictorum de dictis mobilibus facere caritatem et de vestimentis suis et curcitis pauperibus in elemosinam dare poterit, secundum quantitatem mobilium predictorum, integre devolventur.

Debet autem quicumque predictorum clausarius erit, nobis et dicte domui nostre talia servicia annis singulis facere : videlicet sepes vinearum de Vaunosia plesare, et dictas vineas et earum operarios allocare et custodire, et decimam de Vaunosia de vini in vindemis cum una bestia corporaliter sive cum suo famulo trahere, et quatuor vacas ad medietatem custodire, et in luco habere medietatem, et nos et nostra domus aliam ; et domum nostram de Vaunosia in bono statu tenere, et si necessarium fuerit, duo miliaria scidulorum ibidem annuatim ponere, et ossatia nostra de Vaunosia colligere. Fuit etiam adjectum quod quicumque predictorum clausarius erit, stramina et forragia granchie nostre de Vaunosia et pascuum de Clos habebit, et nos et successores nostri de sterquilinio dicti clausarii in vineas nostras predictas, ad placitum nostrum, ducere poterimus. Preterea fuit adjectum quod si nos seu successores nostri a dicto Girardo et Aalesia ejus uxore, et Egidio, vel a quolibet aliorum predictorum successive, usque ad numerum pretaxatum teneremur, dictam clausariam cum omnibus pertinentiis predictis admoverimus seu autulerimus, terre pecia et pratium predicta sine nostro contradicto et successorum nostrorum ad Girardum et Aalesiam ejus uxorem et eorum heredes predictos quita et libera revenient, jure hereditario sicut prius tenenda et habenda ; nec in mobilibus et aquiramentis ipsorum, quoquo tempore factis aliquid poterimus petere seu reclamare. In testimonium predictorum omnium et munimen, nos Gaufridus prior de Bellismo predicto Girardo et Aalesie ejus uxori, Egidio, Alicie et Guillelmo..... dedimus presentes litteras in sigilli nostri munimine roboratas, per quas nos et successores nostros, in quantum de jure possumus, obligamus.

Datum anno Domini M°. CC°. quinquagesimo octavo, mense maio.